

et tant gaillard comme si passion ou douleur au
cune neust Jamais souffert. Et quant Il congnut
que ma diligence Luy auoit donne liberte par plu
sieurs fois menbrassa me faisant offre de luy et de
tout ce quil possedoit qui estoit beaucoup plus grant
de Remuneration que mon serunce ne meritoit
de telle maniere estoient ses offres que ne sca
uoie bonnement que luy respondre. Et apres que
entre luy et moy y eut plusieurs propos tenus se
de libera daller a La court toutesfoys premiere
ment que se meestre en voye se retira par aucuns
Jours en vng sien chastel pour Renparer entiere
ment ses forces et meestre ordre en ses besongnes
qui estoient necessaires pour son de parlement
Et comme Il se vit en bonne disposition de partir
se mist a chemin. Et quant le bruit vint a La
court quil arriuoit tous les grans et Jeunes pa
ladins vindrent au deuant de luy pour le Recep
uoir mais plus de consolation Luy donnoit La
gloire segrete que le publique honneur Avec ces
cerimonis fut a compaignie Jusques au palais ou
estoit Loge le Roy Auquel Il feist la reuerance et
eut de luy tresbonne chere. Et quant ce vint a veoir
L'autre colle plusieurs choses occoururent a Noter
especiallement par moy qui scauoie leurs affaires
L'ung de faillloit couleur L'autre auoit habondance
D'alteration l'un ne sauoit que dire ne l'autre que
Respondre car tant de force ont les passions a mou
reuses que tousiours meectent soubz leurs piedz
Les sens et discretions de ceulx qui sont soubz
leurs lamieres Je le veis lors par clere experience
Et combien que de ces nuances peu de gens sen prin